

تأمل

قَدَم بصراخ و دموع .. طلبات و تضرّعات

أبونا شنودة وديع



ملخص الوعظة

♥ "أصلي بالروح و أصلي بالذهن أيضاً" (كورنثوس الأولى 14 : 15) ... ده المطلوب مننا في كل صلاة و قداس: نصلي من كل قلبنا و تركيزنا و مشاعرنا

مشاعر ربنا في بستان جستيمني

الذي، في أيام جسده، إذ قَدَم بصراخ شديد و دموع طلبات و تضرّعات للقادر أن يخلّصه من الموت، و سَمِع له من أجل تقواه

— عبرانيين 5 : 7

ده ربنا العظيم!! بتكلم عنه كأنه في أدنى مستوى البشر (قَدَم بصراخ و دموع) ... ده المفروض يحسّسني بإيه؟

❖ قيمتي عند ربنا

الخالق العظيم وصل للحالة دي عشاني أنا ... صراخ و دموع و طلبات و تضرعات و عرق و دم عشاني .. المفروض أعامل نفسي على الأساس ده ... ماينفعش أعيش غير كده! ماينفعش أعمل خطية

🙄 بشاعة الخطية

- أخطأ الجميع ... و أجرة الخطية موت ... دخلت الخطية و معها الموت ... و سيطرت الخطية
- و ربنا دينونته للخطية واضحة في سفر الرؤيا (دينونة بابل الزانية العظيمة رمز الخطية)
- شوف اللي مش عارف المسيح الخطية مسيطرة إزاي ... إزاي بعد ما ربنا خلّصنا نرجع نخطئ ثاني!!
- الحل في التوبة ... نتوب و نترك الخطية **حالا** (زي بطرس)

💧 حب الله للإنسان

- خميس العهد هو يوم العهد الجديد ... اللي ربنا أعطانا فيه دم لعهد جديد ... لا كالعهد الأول

عهد أبدي

ليس كالعهد الذي قطعته مع آبائهم يوم أمسكتهم بيدهم لأخرجهم من أرض مصر، حين نقضوا عهدي فرفضتهم، يقول الرب

— ارميا 31 : 32

- ده عهد لا ينتهي بدم المسيح نفسه!! بنجدده كل ما نتناول

هكذا أحب الله العالم: حب بلا حدود

وتعرفوا محبة المسيح الفائقة المعرفة

— أفسس 3 : 19

- هل أنا مستوعب قد إيه ربنا بيحبني؟! لازم حياتي تتغير ... أتجاوب معاه بالحب ... و تبقى حياتي كلها فرح

- كل ضربة و لكمة و جلدة ... بتقول قد إيه هو بيحبني

عند الصليب ... ربنا كان معلق ... بينما الجنود الرومان يقتربون على ثيابه ... العالم بيعمل كده دلوقتي ... بل حتى إحنا المسيحيين ساعات مش بنحس و مش بيهمنا

👉 لازم ندقق في وقتنا ... صلاة يعني صلاة ... قراية الكتاب يعني قراية الكتاب ... اللي حاسس بحب ربنا، هايحبه ... و يكون إنسان نقي